


CIMELIA

Qu


5331





5331

CIMELIA





Encomia Lu- teri.

ὡς ἐκ τριτοῦ

Andree Cricii Episcopi Premissiē in Lute-
rū Oratio.

In imaginem eiusdem Luteri.
Conditiones boni Luterani.
Ingressus Luteri in Vuormatiam
Decij philomusi ac aliorum in Polonia
varia de eodem Lutero Epigrammata.

Bella per insanos plusquam ciuilia Lutros
Iusq; datū sceleri canimus, rabidūq; Luterū
In sua sacrilega conuersum viscera lingua.

Arma Lutere para dabitur tibi copia nostri.
M. D. XXIII.

IN IMAGINEM LVTHERI.

Ille Lutherus ego toto iam notus in orbe
Cui vulgi improbitas nomina tanta dedit.
Quicquid enim dictum, damnatumq; extitit ante,
Nunc renouans, iactor spiritus esse dei,
Conciliis, patribus, mori. contraria scribo.
Actus & huc, consto non ego sæpe mihi.
Mystica scripta volo, cum res mea postulat, esse
Nuda eadem, cum res exigit, esse volo
Nil credens, seruansq; nihil, Christi effero leges.
Prætextu quarum carpere cuncta licet.
Non mea dicta ulli ceu sancta, ac recta probantur,
In sacra, & sanctos, sed maledicta placent.
His valeo, quamuis valeat lymphaticus omnis,
His demptis, in erit non mihi mica salis.
Pontifices, Reges impura vellico lingua,
Despecto & nidum quo fruor ipse meum
Hinc me nemo probus, nisi cui mens p̄dita tractat.
Has nisi lactucas congrua labra petunt,
Hinc me, sed merito, præfert me patria Christo.
Nempe magis titulo nobilitata meo.
Pingit & hanc faciem, radios, sanctamq; columbā,
Sit licet explosum nomen ubiq; meum.
Atq; hinc qualis ego, poteris cognoscere, cum sit
Acceptus patriæ nemo propheta suæ.

Cim. Qu. 5334

AD DIVVM SIGISMVNDVM POLO
 NIAE REGEM, ANDREAE CRI
 CII EPISCOPI PREMISLI
 ENSIS EPISTOLA.



Vi res ecclesiasticas memorie prodiderunt,
 maxime & sapientissime Rex, innumeros
 hæreticos, & apostatas recensent, qui sen
 su suo, & spiritu superbiæ transversum acti,
 ecclesiã dei deũa & pertinaci doctrina scin
 dere ac turbare consueverũt, quorum mon
 strorum cum semper Romana ecclesia domitrix, ceu claua
 Herculis, extitisset, in eam potissimũ hæc demoniorũ Zi
 zania ferebantur, atque hi turbines, hi fluctus eam cum
 primis nauiculam obruere nitebantur, quam Christus in
 hoc mundi pelago iactandam quidem, sed nunquam ob
 ruendam constituit, in qua ipsemet cum suis sedens, licet
 qbdormire soleat interdum, peccatis & præuicationibus
 nostris, insurgitq; tempestas, excitatur tamen concussione
 & pœnitentia nostra ac tum demũ venit, & omnis æstus cõ
 quiescit. Vnde inter alias ecclesiæ calamitates fit, vt quod
 Christus ait, finite Zizaniã crescere vsq; ad messem, Ne
 cesse sit vsq; ad diem iudicii, quod etiã Aposto us testatur,
 hæreses venire, vt et vicia quæ succrescunt, & ea quæ ab ini
 tio iusta & pia ratione statuuntur, ac tempore, vt sunt huma
 na ingenia, in abusum abeunt, tali conficiatione purgẽtur,
 ac reficiantur, quod tamen nunquã absq; ingenti aliqua ia
 ctura & perturbatiõe rei Christianæ venire solebat. Et pro
 inde recte pestes istæ diuinis ac humanis. legibus damnant
 & puniuntur. Inter tot autem, ac tam varios, qui hæcenus
 fuerunt, hæreticos, nemo fuit qui non ex Euãgelio Basim
 doctrinæ suæ statuisset, non verbis dei prætextũ, & illicem
 veneni sui fecisset, sicuti in præsens agit, nouum sui anguli
 numen, Luterus, quod ita humiliter, ita caste, ita mansuete,

& pacifice, iuxta doctrinam Christi & Apostolorū, tractat,
vt nihil arrogantius, nihil impudentius, nihil seditiosius ac
virulentius dici vel excogitari possit, vt qui nedum reges car
nifices, scurras & nebulones. Pontifices antichristos, leno
nes, & idola vocet, quæ potestates, quales sunt, a deo tamen
sunt, & templa dei immortalis, quæ ipse Christus suam do
mū testatur, lupanaria appellat, sed & sanctos, atq; adeo ip
sam deiparam virginem lingua facerrima, vt ex plerisq; eius
argumentis constat, vilipendit ac eleuat, Sacerdotes omnes
ex æquo facit, cum quid sit ex re & dignitate sacerdotiū,
si quid durius sit, sacerdotes a laicis fecerit, atq; in eos so
los, omnem patientiæ, humilitatis, & paupertatis doctrinā
torquet. Libertatē Christianā docet, vt omnem ordinē, om
nem obedientiā, quæ dominis & rectoribus, etiā prauis, de
betur soluat. Avariciā & rapinas spiritualiū præterdit, vt la
icos, quos illis oppido infestos scit, ad rapinas & sacrilegiū
inducat, Mores ecclesiasticorū miris coloribus depingit ac
incepsit, quasi absq; vitis homines esse possint, aut fuerint,
etiā hi pauci quos Christus sibi delegerat, vt pote quorū alii
illum vendiderūt, alii abnegarunt, reliqui ab omni fide post
passionē illius lapsi fuerunt, & quasi nō doceat Apostolus
pontificem offerre debere p semetipso, quemadmodū p po
pulo, cum eadem sit infirmitate circūdatus. Vituperat ordi
nem, & regimen ecclesiæ variis actis, quæ sunt, & videntur
illicitis, quasi non necesse sit uenire scandala, qualisq; diffici
le sit hac parte Momū agere non solū pontificum, sed ipsius
etiā Dei regnū carpendo, cū manifestū sit plerūq; non suo
tempore vel pluuiam, vel frig⁹, vel æstum venire, optimos
ac innocentissimos homines aduersissimis fatis & casibus
agi, improbis ac sceleratū omnia ex voto cadere, & alia id ge
nus, Si quis sensum domini corrigere, consiliarius esse velit
aut si in diuinis ac humanis rebus ordo aliquis inter homi
nes absq; potestate, potestas absq; opibus, opes absq; vitis
esse possent. Quod cū clarius sit quā ullis argumentis egeat
ecclesiam quandā animalē, quasi ideam Platonis, fingit, de
qua

qua quid cornicetur, quo tendat, quid sibi velit, ipsemet ne-
scit, nisi ut ex veris & euidentibus rationibus quoquo mo-
do elabatur. Verbum domini vincere & manere vult in aeternum
quasi quis Christianus contra nitatur, nititur autem ipse maxime
cum Petro principatum tollit, cui dominus imposito nomine Ce-
phas, quod lapidem sonat, postea dixit super hanc petram
aedificabo ecclesiam meam, & portae inferi non prevalebunt ad-
uersus eam, & tibi dabo claves regni caelorum, & ego rogavi
pro te, ut non deficiat fides tua. Quae verba, ut clarissima sunt,
ita in effectu manent, & manebunt inuitis omnibus portis in-
feri, ad eamque petram collisi iam sunt tot haeretici, & collide-
tur tandem iste. Licet ipse dicat spiritu humilitatis & intelle-
ctus. Papa cadet & Luterus stabit. Proindeque Petrus ipse in-
actis manifeste dicit ab aeterno ordinatum esse ut per os eius
audirent gentes verbum Evangelii, crederentque. Vicarium
Christi esse negat in eius ecclesia, cum ipse Christus se pasto-
rem vocans, eam postea functionem pastorem vni Petro
post suam resurrectionem, & praesentibus reliquis commiserit
dicens ter, pascere oues meas, intelligens nempe pietissimus
seruator, malam esse in omni congregatione pluralitatem
principum, vnoque opus esse pastore, si & ouile vnum esse debe-
at. Et si hoc in parvis iniuris censuit, quid non aucto grege
censendum illi esset. Nam quod oggannit Luterus illud, qui
maior est inter vos, fiat sicut minor, & qui prior esse vult, sit
vester seruus, Quamquam haec ad animi humilitatem pertine-
ant, tamen hoc melius praestat Papa seruum seruorum se scri-
bens, quam Luterus Ecclesiasten. Nam de abusu opum &
potentiae, Dei est iudicium, & aliorum correctio quam Luteri
Papam quemlibet Antichristum vocat eorum qui hactenus ec-
clesiae praefuerunt, quae hac ratione iam pridem nulla esset,
cum in ecclesia Antichristi, Christus adesse non posset, qui
tamen dixit, ego vobiscum sum usque ad consumationem saeculi
Quod si hoc ad ecclesias schismaticas torquere veller, & he-
reos habent praefectos & pastores, qui eo de modo illis praef-
erunt contra sensum Luteri, Maledicit & conuiciatur Anti-

stitibus & praelatis ecclesiae, contra scripturam, Principi po-
puli tui ne maledixeris, quam & Apostolus suam excusans
ignorantiam, quod principi sacerdotum contumeliam dixisset,
clare usurpauit, licet Lutherus eum aculeum ne se pungat
intorqueat, & Apostolum ex ingenio suo sycophantico me-
riatur, ut quod sciuit, nescisse fingeret, tamen quam in hoc & re-
liquis delirer, & semet irretiat, demum latius constabit. Vult
omnibus omnia quae scripta sunt prodi, & ab ipsis cerdoni-
bus verba dei expendi, cum inquit Christus solis Apostolis
datum esse scire mysteria Regni coelestis, ceteris per para-
bolas, ut videntes non videant, & audientes non intelligant
Episcopos & sacerdotes omnes, vitamque ipsorum impura &
spurcifica lingua dehonestat, omniaque acta ipsorum in malam
partem interpretatur, contra verba domini, nolite iudicare. So-
lus enim scrutans corda, & renes deus, qui si maxime scelesti
sint & improbi, an non ideo Episcopi & sacerdotes? an non
ideo munere suo fungentes? an Caiphas non varicinatus est
oportere unum mori pro populo, non a semetipso, sed quia po-
tiffex fuit anni illius? An non dixit Christus Phariseos clau-
dere coelum aliis, quamuis ipsi non ingrediantur? An non de-
notans ipsorum crimina praemoneat, quaecumque iusserint facite,
secundum opera illorum nolite facere? quae omnia clarissima
prestigiator iste cimmericis tenebris offundere & limitare co-
natur, Nempe Christo haec tum non adeo considerante, ne-
que adeo perspicaci existente, ut nunc Lutherus. Abrogat cen-
sus ecclesiasticos, cum tamen iubeat Christus dari quae sunt
Caesaris, Caesari, quae dei, deo. Dei autem est, quicquid eius
gratia institutum est. Cum praeterea exprobrans pharisaeis decima-
tionem, & intermissam misericordiam & iusticiam, subinferat
haec oportuit facere, & illa non omittere. Cumque offerre iubeat
sacerdotibus per emundationem sui. Cum denique mulierem
pauperem commendat, quae in Gazophylatium templi quid-
quid habuit ex facultate sua coniecit. Tollit caeremonias &
instituta legis, quae ipse Christus seruauit, ut quod non soluere le-
gem, sed adimplere venerat, Damnat ieiunium, & preces pro-
lixas,

lixas, cum Christ⁹ ipse ieiunauerit, & prolixius orabat, te-
staturq; eici dæmoniu nisi ieiunio & precatione non posse.
Votu castitatis, quod vinculu libidinis, & castratio est spi-
ritualis dæmnat, cū Christus triplices eunuchos declarans,
eos aperte commendare videat, qui se causa Regni cœlesti
castrauerunt. Atq; circa hæc veterator iste fucatifsimis colo-
ribus & persuasiouibus, nimiru ex animo cōtinente & pu-
dico, claustra religiōis soluit, & Monachos ad prædas, spō-
sas Christi ad sellas fornicarias inducit. Vocat se doctorem
vocat ecclesiasten, vocat euangelistam, cum scriptum sit, ne-
mo assumat sibi honorem, nisi fuerit vocatus a deo, vocatur
autē a deo, quisquis ab his quos deus præfecit, non a semet
ipso vocatur. Tollit opes ecclesiæ, quod illis aliqui suo ma-
lo abutunt, quasi eo Christus pauper nasci, & pauperes si-
bi miuistros deligere voluerit, vt posteri pauperes essent,
ac nō potius vt fides ipsius non humana, sed cœlesti poten-
tia incrementum sumpsisse videret. Alio quin pauperes spi-
ritu solo non commendasset, qui & diuissimi opum esse pos-
sunt. Nec dixisset, cui multu datu, multu ab eo quere. Nec
iussisset postea sacculum, peram, & gladiu ferre. Nec tot Re-
ges & Pontifices sanctos, qui etiā pro iuribus & bonis ec-
clesiæ vitam posuerūt haberemus. Nam quod abusum opū
vbiq; inculcat, id tamen veru sit in mulus, tamen non desunt
qui illas recte dispensent. Sed & carere hac reprehensione
nemo potest, cū Christus nō potuerit Iuda & alijs clamita-
tibus, ad quid perditio hæc, de vnguento. Doctrinā suam,
doctrinā e cœlis se habere iactat, quā cū Iacobus Apostol⁹
castā, pacificā, modestā, tractabilē, plenam misericordiæ &
fructibus bonis, absq; diuidicatione & simulatione testetur
Dæmoniācā vero seditiosā, amarulentā & contentiosā
plane apparet, cū scribat Lutherus se prouocatū ad maledi-
cta, quibus totus scater, ex quo spiritui, & quali homini do-
ctrina hæc sua prodeat, cū ex abundantiā cordis os loquatur,
& cū qualis vir sit, talis oratio. Gloriat se ad harenam eccle-
siæ proceres huc prouocasse, & se argumentis inuictū consi-
stere.

stere, quasi id cōueniat vlli prudenti, aut velle quispiam ho-
nus, maledictis cū cerritis & furiosis certare, nam eum talē
hac cōuitia, quibus ne dæmon quidē maiora spargere pos-
set, plane declarant, aut quasi respondendum sit his, qui sine
ratione loquunt, quā abesse a Lutero satis testant scripta
nusquā sibi coherentia, ad nullū certū scopū rem dirigentia
Sed sursum, ac deorsum miscentia, & confundentia passim
omnia, quibus vt insolentia & seditionibus ianuam aduer-
sus rectores, & omne regimen cōmodius patefaciat, omni
subditorū ordinī patrocinaat. Tollit cœlibatū, & preces pro
lixas sacerdotū. Soluit vota Monachorū, Suadet Moniali-
bus prostrare potius quam sub iugo esse monastico. Addit
maritis imbecillioribus connubij adiutores, de quibus quā
hoc vno mereat, ipsi viderint, certe quibusdā vxoribus ne-
cessar præbet, non consiliū. Ieiunia lurconib⁹ in derisum, Nu-
mina cœlestia nephariis in contemptū, Et bona spiritualiū
harpys in prædam dat. Vulgusq; omne libertate, quā asserit
Christiana a legibus & obedientia missum facit, & alia hu-
iusmodi scelerū ac turbarū lactaria, quibus fit, vt hic nouus
euangelista, hoc nouū Pythij oraculū habeat tot diuersæ fa-
rinæ adoratores, qui proiectis scripturis, ac interpretationi-
bus sanctorū patrū, vita & miraculis clarentiū, proiectis cō-
cilijs, & ordinatiōibus ecclesiæ catholicæ, cui & ipsum Euā-
gelium, ac sensum ipsius, & omnia quæ in eo continentur
debemus, solū Lutherū, suo deuio ac iam pridem damnato
sensui inhaerentē, & scripturā sacram, cuius magister est spi-
ritus sanctus, nō apostaticus suo arbitratu interpretantem,
suzq; præuaricatiōis, ac suæ Apostasię operculū manifestū
facientē, odio in clerū excæcati, & huius freni impatientes,
quo diuina & humana omnia diriguntur & consiliunt, præ-
cipites sequunt. & Euangelū hoc solū putāt, quod & qua-
tenus Luterus doceat, cæterū quod in ecclesia canitur, cum
nihil aliud, quā hoc, vel ad illud pertinens canat, aut lega-
tur, credunt esse meras nugas & nenias. Hoc egregio ora-
culo gaudet & nobilitat specula orbis Vuittenberga, in
quo

quo si quid diuini aut prophetici videretur, acceptus illi non
esset Lutherus, cum nemo propheta acceptus sit in patria,
siquidem verba Christi sunt vera. Sed quo nam ultra insti-
tutum & epistolarum modum prouectus sum? cum immensum sit
pelagus eorum quibus clare ostendi posset nullum haereticorum
perplexius, instabilius, furiosiusque & ab Euangelio alienius,
nunquam scripsisse & docuisse, quam Lutherum, Tantum abest ut
vindex & assertor Euangelii, & diuum interpres, uti se iac-
tat, putetur, Verum haec alias fusius & accommodatiore ma-
teria, Christo adiutore, prestabimus, ipsumque Lutherum suo
ipsius pœnicillo adamussim depingemus, non quod libe-
ret cum hoc coeno cucullario colluctari, futurum est enim, quod
& decus literarium Erasmus censet, ut nemo melius Luthe-
rum quam semetipse conficiat, inconstantia videlicet, & male
dicentia sua, qua in omnes passim, ceu fures illa Hecuba, fer-
tur. Et cum doctrina illius ex fructu suo cognosces, qui quid-
dem fructus iam satis apparet in omni ciuitate & homine quocun-
que haec pestis afflauit, quae concordiam, quae obedientiam,
quae fidem, quae ordinem, ac omnem denique virtutem, & opus bo-
uum labefacit. Sed ut manifestum sit tandem hinc & inde, Lu-
therum non spiritu sancto, quo plenus videri vult, non doctrina,
qua turget, & os in coelum ponit, non vlla sanctimonia,
qua fingit a suis, famigeratum esse, sed odio saecularium quorum-
dam in ecclesiasticos, studio rerum nouarum imperiti vulgi, in-
solentia, ac libidine apostatarum, cupiditate praedae & sacrile-
gij improborum hominum, neque horum omnium quid scribat Lutherus
intelligentium, eo illuuiem hanc elatam, ut merito dicere hi
omnes possint. Nos te nos facimus Martine deum, coeloque
locamus, Interim inuictissime Rex quia tibi curae esse intel-
ligo, ut eam labein in vicina serpentem a regno & dominij
tuis arceas, haec preludea, quoquo modo in praesens effudi,
quae dum alia nostra, & aliorum adornantur, benigno animo
suscipe, & quod facis, rem Christianam, non solum a Turcis, &
Tartaris aliisque ethnicis, sed etiam a domesticis hostibus Apo-
statis & haereticis tueare.

B

CONDITIONES BONI LUTERANI.

Dic male sacrificiis, superos contemne, probatis
Moribus obtrecta, ieiunia, sacra, precesq;
Ride, concilijs obsta, patrumq; relictis
Ritibus illude, ac venias, anathemata, vota
Non assis facias, absit confessio culpæ,
Absit relligio, cedant delubra popinis
Plus persuade tibi de te, quam sit, deceatq;
Pontifices, Reges, præ te, ceu stercora pendas
Scripturasq; sacras vt vis intellige, priscos
Doctores, Leges, sanctorum & gesta negato,
Sis bonus impostor, sis ad conuiuia doctus
Præfectos traduc populo, retinacula rumpe
Ordinis, & fidei, cieasq; per omnia turbas,
Sic age sectator qui vis probus esse Luteri.
Nunc mihi Papistam, quo verbo falsus habetur.
Pingere si volet hunc, qui ritus, iura, fidemq;
Seruat, quicq; pios patres in dogmate Christi
Noscendo sequitur, quæq; alma ecclesia sanxit,
Non quæ cerito confundit Apostata sensu
Pingat, & humanis vitij aconita colorer,
Scilicet ipse nouus viuens sine labe Propheta.
Ingerat & maledicta, suæ dona ampla Mineruæ,
Plus accepta mihi sua quam benedicta videbit.
Quando quidem tanta vitium est a peste probari.

DE MONSTRO CVCVLLATO
ex vacca in Saxonia producto, Ioannes Cricius.

Sacra volens Pluto turbari, & munus ad istud
Ex vsu monacho nil magis esse videns.
Sed ferre hanc dubitans vt posset foemina pestem
Fecit quod monacho foeta iuuenca fuit.

Cerberus

Cerberus exclamat, quid agis, quin perdis vtrumq;
Iam Luter obsequium quod cupis omne facit;

MATTHEVS CONOROVIVS.

Vacca cucullatum produxit Saxica foetum
Designans monstrum terra quod illa fouet.
Saxe miser vigila, monstrumq; hoc confice, semper
Exitium terris monstra tulere suis.

DE LVTERO STERCORA OM-
nes sibi aduersos appellante.

ad. h. q. 20. 1. 1. Petrus Potulicius.

Stercōra cum prę se ducat quoscunq; Luterus
Oreq; spurciloquo nil nisi stercus habet.
Non rogo stercorem dices hunc esse prophetam;
Qualia verba viri, talis & ipse vir est.

FELIX CESELIVS.

Cum semper maledicta sonent ex ore Luteri
Qualia sunt eius pectora nosse potes.
Nam velut e foedis, foedatae fontibus vnde
Sic verba e spurco pectore spurca fluunt.

PETRVS SADORIVS AD LVTE-
RVM.

Non facit hoc meritum, tua non doctrina Luthere
Quod notum est late nomen in orbe tuum.
Qui te Vikleij, quicq; Hufsi gracule pennis
Vestisti, & proprium nil tibi, quam rabies.
Sed facit hoc meritumq; vrbis, leuitasq; popelli
Res vetus hec, veteri tu quoq; more lues.

AD EVNDEM IOANNES
TIRVESIVS.

Fœda cucullaris cum sit tibi vita, genusq;

B ij

Et

Et geris a foedo nomina digna luto,
Iure vales foedis, ceu natus ad improba, verbis
Qua ratione quis est, hac ratione valet.

AD FAMAM DE HVTENO
morbo pediculari extincto.

Petrus Risinius.

Cum nuper Stygias veheretur Hutenus ad umbras
Eius & audiret scripta nefanda Charon
Intereaq; pedum sese vis proderet ingens
Et quereretur Hutem, mortis id esse genus.
Stulte, Charon dixit, caput orbis in orbe putabas
Perdere, nunc foedo es perditus ipse pede.

IN QVENDAM LVTERANVM
Paulinus Iudiceus.

Dogmata quod laudas turbantia sacra Luteri
Nullius ipse fidem religionis habens,
Non id agis quo recta probes, seruesq; probata
Sed nullum vt facias religionis opus.
Vtq; animū possis dicendo explere malignum
In templa, in superos, sacricolasq; tuum.

IN EVNDEM IOANNES
Ostrorius.

Quo prior es, rabidi sequeris cur dogma Luteri
Ante Luter fueras, quam Luter ortus erat.
Ante pios ridere patres, contemnere diuos
Et prestare nihil, quod sacra iura docent,
Ante tuę fueras desertor perfide legis
Quam turbator erat notus in orbe Luter.

STANISLAVS SCHLOMONIVS.

Quod sic insequitur plebes male sana Luterum,
Qui

Qui sit si queris? hec lege doctus eris.
 Est semper varium, nutans, & mobile vulgus,
 Resq; stupore furens gliscit habere nouas.
 Nullo iudicio, nulla ratione tenetur,
 In Præceps, quo mens corripit acta, ruit.
 Illi non potuit Dux aptior esse Lutero,
 Qui nulla constans re sibi talis adest.
 Sicq; sui similes post se trahit, vna ruina,
 Exitiumq; omnes concomitatur idem.
 Huic nisi mentis inops, & amator criminis hæret,
 Quicq; gerit sacris, corda inimica viris.
 Inconstans, leuis, ambiguus, perplexus, & anceps
 Hunc sequitur, recte qui sapit, ille fugit.
 Hæc Barbari illi Sarmatæ, vt Lutherastrî poetæ, ipsi
 videlicet mediis nati Athenis, vocant. Sed &
 ecce lector Germanum, pium iuxta &
 lepidum poetam, ne omnes ea labe
 conspersos putes.

DECII PHILOMVSII DE EGRES su, & ingressu Lutheri Vuormaciam,

Cernis vt insano ruat obuia turba Lutero?
 Vt cœlo emissum numen adesse putet?
 Vt ferrugineo stet bellua nigra cucullo?
 Vt laruale colat vulgus inane pecus?
 Scorta ruunt, mimi, lenones, pharmacopole,
 Et lanij, & quicquid sordis in vrbe fuit
 Ipse triumphali sublimis in agmine curru
 Ducitur, at plausum turba iocosa ciet,
 Scurraq; Cæsareus scurris comitantibus ignem
 Gestat, & ardentes ventilat ante faces
 Atq; ait, ecce venit, letum pœana canamus
 Dicite io cuncti, chare Lutere venis.
 Chare Lutere venis, nostra miscenda farina,
 (Ne pudeat) nostrô de grege primus eris,
 B iij Dixerat

Dixerat, & vectus per compita festa Luterus
Hospitis eximii limina nota subit.
Postera lux oritur, denso coeunte senatu
Ducitur ad magni Cæsaris ille fores.
Ut stetit in medio, sua crimina noscere iussus,
Quæ ue foret tanti fons & origo mali,
Obmutuit demens obstipo vertice fixus
Ut uacius sensu sic quoq; vocis inops
Et modo qui vanæ tulerat suffragia plebis.
Ut pius, ac sapiens, turpis asellus erat.
Tamq; diu elinguis, truncoq; simillimus hermes.
Sic tandem furis exagitatus ait.
Quod scripsi, hoc rectum est, verum indubitabile certum.
Vox fuit hæc illi, cetera mutus erat.
Auertit Cæsar tam diris vocibus aures,
Sedibus irati prosiluere patres.
Protinus ergo parifertur sententia voto
Damnaturq; tuum fœde Lutere nephas
Scilicet ut veterum decreta phreneticus vnus
Tolleret? & ritus solueret ille pios.
Et quæ doctorum tot lumina clara virorum
Disseruere, amens dilueret nebulo
Obrutaq; in densis per tot iam sæcla tenebris
Relligio, hoc Bubalo restituenta foret.
Scriberet & leges fraterculus iste nouellas
Qui vix hellebori iugere sanus erit.
Pellitur inde furens nulla medicabilis arte
Ni thetis admoueas, vel Phaetontis opem.
En tibi scurra redit, scurrilicq; agmine septus
Deuouet infandum terrificatq; caput.
Vade malis auib; leuo pede, sydere tristi
I procul, a turpi dicte Lutere luto.
Te postq; in cineres Vulcanius egerit ardor
Presserit & Stygiam flebilis umbra domum.
In te cunctorum Rhadamas tormenta malorum,
Transferet.

Tranfferet, atq; vni feruierit aula tibi.
 Dolia te fallent, pascent tua membra volucres
 Te rota, te scopuli, te premet amne sitis
 Dixerat utq; forent miseri rata fata Lutheri.
 Omnia funestę concinuitis aues
 Illum tartareę furig comitantur euntes,
 Et quodcunq; imo clauditur orbe nephas.
 Vade Lutere foras oculos neu pollue nostros
 Vade foras age dum foemina virq; sonat
 Truditur infaustum per olentia compita monstrum
 Cultori aspirat foeda cloaca suo.
 Effert tabificum feralis pompa cadaver
 Nam species illi iam morientis erat.
 Quisq; strepit, ringit, clangit, tollitq; cachinum
 Colluue in tanta risus ineptus erat.
 Exerit hic linguam, nares ille uncat, at alter
 Sibilat, aut pedit, hic sreat, ille vomit
 Sic tandem egreditur scelerum sentina Lutherus
 Vrbs quoq; lætata est hoc vacuata malo
 Quod fuit ingressus quodq; exitus iste Lutheri
 Quid mirum est? stultum nil nisi stulta decent.

